

वि पृ॒क्षो अ॒ग्ने म॒घवा॑नो अ॒शुर्वि॑ सूर॒यो द॑द॒तो वि॒श्वमा॒युः ।
 स॒नेम॒ वाजं॑ स॒मिथे॑ष्व॒र्यो भा॒गं दे॒वेषु॑ अ॒वसे॑ द॒धानाः ॥ ५ ॥
 ऋ॒तस्य॑ हि धे॒नवो॑ वाव॒शानाः॑ स्म॒दूधीः॑ पी॒पय॑न्त॒ द्युभ॑क्ताः ।
 प॒राव॑तः सु॒मतिं॑ भि॒क्षमा॑णा वि सि॒धवः॑ स॒मया॑ स॒सुर॑द्रिं ॥ ६ ॥
 ते अ॒ग्ने सु॒मतिं॑ भि॒क्षमा॑णा दि॒वि अ॒वो द॑धिरे य॒ज्ञिया॑सः ।
 न॒क्ता च॑ च॒क्रु॒रुष॑सा वि॒रूपे॑ कृ॒ष्णं च॑ वर्ण॑म॒रुणं॑ च सं धुः ॥ ७ ॥
 या॒न्नाये॑ म॒र्तान्त्सु॑षू॒दो अ॒ग्ने ते स्या॑म म॒घवा॑नो व॒यं च॑ ।
 छा॒येव॑ वि॒श्वं भु॒वनं॑ सि॒सह्या॑प॒प्रिवा॑न्नो॒दसी॑ अ॒न्तरि॑क्षं ॥ ८ ॥
 अ॒र्वे॒ज्जि॒रमे॑ अ॒र्वतो॑ नृ॒भिर्नृ॑न्वी॒रैर्वी॑रा॒न्वनु॑यामा॒ त्वोताः॑ ।
 ई॒शाना॑सः पि॒तृवि॒त्तस्य॑ रा॒यो वि॑ सूर॒यः श॑त॒हिमा॑ नो अ॒शुः ॥ ९ ॥
 ए॒ता ते॑ अ॒ग्न उ॒चथा॑नि वे॒धो जु॑ष्टा॒नि संतु॑ मन॒से ह॒दे च॑ ।
 श॒केम॑ रा॒यः सु॒धुरो॑ यमं॒ तेऽधि॑ अ॒वो दे॒वभ॑क्तं द॒धानाः ॥ १० ॥ १२ ॥

७४

उ॒प॒प्रय॑न्तो अ॒ध्वरं॑ म॒त्रं वो॑चेमा॒ग्नये॑ । आ॒रे अ॒स्मे च॑ शृ॒ण्वते ॥ १ ॥
 यः स्त्री॒हिती॑षु पू॒र्यः संज॑ग्मा॒नासु॑ कृ॒ष्टिषु॑ । अ॒रक्ष॑हा॒शुषे॑ ग॒यं ॥ २ ॥
 उ॒त ब्रु॑वन्तु ज॒न्तव॑ उ॒दग्नि॑र्वृ॒त्रहा॑ज॒नि । ध॒नंज॑यो र॒णैर॑णे ॥ ३ ॥
 यस्य॑ दू॒तो अ॒सि क्ष॑ये वे॒षि ह॒व्यानि॑ वी॒तये॑ । द॒स्मत्कृ॑णोष्य॒ध्वरं॑ ॥ ४ ॥
 तमि॒त्सुह॒व्यम॑गिरः सु॒देवं॑ स॒हसो॑ य॒हो । ज॒ना आ॑हुः सु॒बर्हि॑षं ॥ ५ ॥
 आ च॑ व॒हासि॑ ताँ इ॒ह दे॒वाँ उप॑ प्र॒शस्त॑ये । ह॒व्या सु॑श्र॒द्र वी॒तये॑ ॥ ६ ॥
 न यो॒रुप॑न्दि॒रश्वः॑ शृ॒ण्वे रथ॑स्य॒ कच्च॑न । य॒दग्ने॑ या॒सि दू॒त्यं ॥ ७ ॥
 त्वो॒तो वा॒ज्यह॑योऽभि पू॒र्वस्मा॑द॒परः॑ । प्र दा॒श्याँ अ॒ग्ने अ॒स्थात् ॥ ८ ॥
 उ॒त द्यु॒मत्सु॑वी॒र्यं बृ॑ह॒दग्ने॑ वि॒वास॑सि । दे॒वेभ्यो॑ दे॒व दा॑शुषे ॥ ९ ॥

७५

जु॒षस्व॑ स॒प्रथ॑स्तमं॒ वचो॑ दे॒वप्सर॑स्तमं । ह॒व्या जु॒ह्वान॑ आ॒सनि॑ ॥ १ ॥